



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 107. Innici Caraccioli Cardinalis extrema.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. datus, necnon die quarta Novembris  
 A. C. 1690. Jenæ Joannes Guilielmus Saxonizæ Dux  
 unicus Bernardi Ducis hæres.

## §. CVII.

*Innici Caraccioli Cardinalis extrema.*

*Eggs Purp.  
 doct. p. 461.*

Diem supremum obiit hoc anno Inni-  
 cus Caracciolus ex nobilissima hu-  
 jus nominis familia Neapolitana ortus.  
 Hic politiori litteratura, ac Philoso-  
 phicis, & Juridicis scientiis apprime  
 excultus, necnon Jurisprudentiæ lau-  
 rea decoratus, ab Urbano VIII. diver-  
 sis Romæ dignitatibus ornatus est:  
 nec parcum sese Caracciolo seu potius  
 ejus meritis exhibuit Innocentius X.  
 a quo variis aggregatus Patrum cæti-  
 bus, sua vigilantia atque industria Ro-  
 manæ ditioni magna præstitit obsequia:  
 Postea Cameræ Apostolicæ Clericus,  
 & Auditor ab Alexandro VII. renun-  
 tiatus, Purpuram simulque Infulam  
 Archiepiscopalem Neapolitanam obti-  
 nuit, Romæ usque ad Clementis X.  
 electionem commoratus: eo autem ad  
 D. Petri Cathedram evecto ad suam Ec-  
 clesiam reversus, omnes boni vigilis-  
 que Pastoris partes immoto studio ex-  
 plevit usque ad obitus sui diem, sex-  
 tam Decembris, qua meritis, annisque  
 cumu-

cumulatus, animam Deo commenda- Sæc. XVII.  
vit, annos natus sexaginta. A. C. 1690.

## §. CVIII.

*Carolus Cerrus Cardinalis hoc anno  
fatis functus.*

**H**ujus obitum prævenerat Carolus Old. in cont.  
Cerrus patria Romanus, qui mira Ciaccon.  
ingenii felicitate amœniorum æque ac  
graviorum studiorum curricula non mi-  
nus cito, quam erudite emensus, an-  
no ætatis suæ decimo octavo jamjam  
in Romana universitate, propugnatis  
acerrime thesibus, Jurisprudentiæ Lau-  
ream emeruit: Unde Urbani VIII. be-  
neficio Canonicus Basilicæ Vaticanæ,  
& Consistorialis Advocatus, & utrius-  
que Signaturæ Referendarius electus  
consummati Doctoris magnique Juris-  
consulti famam sibi comparavit. Dein  
Rotæ Auditor, & Decanus, Episcopo-  
rum Examiner, & trium Congrega-  
tionum Consultor nominatus, tot me-  
ritorum suffragio a Clemente IX. Car-  
dinalis, Episcopus Ferrariensis & Ur-  
binatis Legatus renuntiabatur, cui le-  
gationi per triennium communi om-  
nium applausu, & populi utilitate, om-  
nique pietatis integritatisque exemplo  
præfuit. Romam inde ad graviora  
negotia evocatus ab Innocentio XI. tanti

Yy 5 hadi-